

JARDUEREN MEMORIA  
2023



**Idiomas**

FUNDACIÓN *Vital* FUNDAZIOA

# Idiomas

FUNDACIÓN *Vital* FUNDAZIOA



Idiomas Vital Fundazioaren irakaskuntza-lana bat dator Nazio Batuen 2030 Agendan zehaztutako Garapen Jasangarrirako Helburuetako (GJH) laugarrenarekin: **Kalitatezko Hezkuntza**. 8. GJH: **Lan duina eta hazkunde ekonomikoa** eta 17. GJH: **Helburuak lortzeko itunak** ere partekatzen ditu.

Idiomas Vital Fundazioak berrogeita hamar urte baino gehiago daramatza hizkuntzen kalitateko irakaskuntzan, eta bere azpiegiturak berritzearen eta egokitzearen alde egin du, pertsona guztientzako etengabeko ikaskuntza bermatu dadin.









Idiommas Vital Fundazioa irabazi-asmorik gabeko fundazioa da, pribatua eta helburu sozialekoa, eta hizkuntzen irakaskuntza finantzatzea, sustatzea eta arlo horretako zerbitzuak ematea du helburu.

1967an sortua, Idiommas Vital Fundazioak berrogeita hamar urte baino gehiago daramatza bere jarduera hizkuntzen kalitatezko irakaskuntzan ematen, ingelesa bereziki, eta 14 urtetik beherako gazteei gehienbat.


Gaur egun, hezkuntza-eskaintzak ingelesa ez ezik, Arabako gizarteak gero eta gehiago eskatzen dituen beste hizkuntza batzuen irakaskuntza ere hartzen du barne, hala nola, frantsesa, alemana, txinera eta arabiera.

Ingeles klaseak dira oraindik ere ugariak, eta fundazioaren jardunaren ardatz nagusia dira. Hizkuntza horretako hezkuntza-eskaintzak maila guztiak hartzen ditu, eta helduei nahiz zazpi urtetik aurrerako ikasleei zuzenduta dago.

Alemana edo frantsesa ikasteko eta txineraren edo arabieraren hastapeneko klaseak hartzeko, ikasleek DBHko 1. mailako ikasleak edo hortik gorakoak izan behar dute edo hamabi urte beteta izan.


## 2022-2023 ikasturteko matrikulak

2022-2023 ikasturtean, guztira, **799 ikasle** matrikulatu dira, batez beste 12,68 ikasle gela bakoitzeko, 63 taldetan banatuta.



Ikasleen adinari erreparatuz gero, ikasleriaren erdiak baino gehiagok 14 urte baino gutxiago dituela ikus dezakegu.

## Ikasle kopuruaren bilakaera




## Ikastaroak eta hizkuntzak

### INGELESA

Ingelesa da, maila guztietan, ikasleek gehien eskatzen duten hizkuntza. Horregatik, eskolen eskaintza gainerako hizkuntzetan baino askoz zabalagoa da. Lehen hezkuntzako 2. maila ikasten ari diren ikasleekin egiten da hizkun-

tza horretarako lehen hurbilketa. Zuzenean sartzen dira **Kinder** izeneko ikastarora. Hurrengo ikastaroa **Hastapena** da, eta 3 maila ditu. Ikasturte honetan ikastaro hauek eman dira:

**Ingeles-hastapeneko ikasleak**



#### Kinder

Talde bi eta eskola-ordu bi astean.

#### Hastapena


A hastapeneko lau talde; B hastapeneko hiru talde; eta C hastapeneko talde bi. Bakoitza astean bi eskola-ordukoa.

### Ingeles Berezia

Ingeles ikastaroen eskaintzak ikasleen adinari eta ikasturteari lotuta jarraitzen du. Horregatik, Lehen Hezkuntzako 5. mailako haurrak zuzenean sartu dira **1. berezia** izeneko ingeles ikastarora. Gainerako adin guztietan, **mailakatze-proba bat egin da** izena aurretiaz emateko nean, ikasle

bakoitza zer ikastarotara sartzen den erabaki ahal izateko. 1. mailako bost talde (horietako bat Laudion); 2. mailako bost talde; 3. mailako bost talde, 4. mailako bost talde eta 5. mailako bost talde aritu dira astean 3 eskola-ordutan.


**Ingeles Berezia ikastaroetako ikasleak**



## Helduentzako ingelesa

Helduentzako ingeleseko eskolei dagokienez, 22-23 ikasturtean zehar astean 3 orduko **bost maila** eskaini dira. 1. mailan hiru talde osatu dira (horietako bat Laudion), 2. mai-

lan talde bat. 3. mailan ikasle eskaera handiagoa izan dute eta hiru taldetara iritsi dira; 4. mailan lau talde eta helduentzako ingeleseko azken maila den 5. mailan bi gehiago.




## BESTE HIZKUNTZA BATZUK

Idiomas Vital Fundazioak lehenengo **euskara**-ikastaroa eskaini du, beste autonomia-erkidego batzuetatik edo beste herrialde batzuetatik etorrita, gure hezkuntza-sisteman sartzen diren eta ikasgelan erabiliko duten hizkuntza egunean jarri behar duten pertsona guztientzat. 10 urtetik gorako ikasleentzako astean 3 orduko ikastaro batetik hasi gara, eta 5 ikasle izan ditugu. Idiomas Vital Fundazioak beste hizkuntza komunitario batzuetako ikastaroak ere eskaintzen ditu, hala nola **alemana** eta **frantsesa**. Ikastaro horiek, ikasturtea bezala, irailtik ekainera bitartean ematen dira, hamabi urtetik aurrerako ikasleen-

tzat. Ikastaroak astean hiru ordukoak dira. 22-23 ikasturtean aleman hiru maila egon dira (horietako bat Laudion) eta frantses hiru maila (honetan ere, horietako bat Laudion).

Idiomas Vital Fundazioak beste hizkuntza batzuk irakasteko eskaerari ere erantzun dio, haien irakaskuntza ez baita ohikoa izan gure lurraldean. Irakasle batek **arabierako hiru mailatako** eskolak ematen dizkie hamabi urtetik aurrerako ikasleei. 22-23 ikasturtean hizkuntza hori 14 ikaslek aukeratu dute eta astean hiru eskola ordu jaso dituzte.

## Ikasleak beste hizkuntza batzuetako ikastaroetan



## Ikastaroak eta hizkuntzak

### +55 URTETIK GORAKOENTZAKO IKASTAROAK

Vital Fundazioak hizkuntzak ikasteko programa bat du, 55 urtetik gorakoei eskaintzen diena, eta ikasturtea bezala, irailtik hurrengo urteko ekainera bitartean egiten da. Idiomas Vital Fundazioan egiten dira ikastaroak eta astean 3 ordukoak dira, eta ingelesa, frantsesa eta euskara eskaini dira 22-23 ikasturtean. 55 urtetik gorako 46 ikaslek, hiru taldetan banatuta, ingeles **hizkuntzaren** ezagutza hobetu dute.

### BESTE ERAKUNDE BATZUENTZAKO IKASTAROAK

Aurreko ikasturtean bezala, 2022-2023 ikasturte honetan ingeles ikastaro bi eskaini dizkiegu merkataritzarako eta ostalaritzarako langileei, Aenkomer-Arabako Merkataritza eta Zerbitzuetako Enpresaburuen bidez, bata maiatzean eta bestea urrian. Ikastaroak ordu biko 9 saiotan egin da, eta 14:15etik 16:15era bitarteko ordutegian, 'pilula' gisako prestakuntza jaso dute, beren jarduera-ordutegitik eratorritako premietara egokituta.

Halaber, prestakuntza bat eskaini zaie Egibideko Lanbide Heziketako ikasleei, ingelesa hobetzeko. A2 eta B1 mailako talde bi izan ditugu, astearte eta ostegunetan lehena eta astelehen eta asteazkenetan bigarrena, 2022ko azarotik 2023ko martxora. Guztira bi orduko 30 saio izan dira, 16:00etatik 18:00etara, eta guztira 25 ikasle izan dira.

## Beste jarduera batzuk

### CURSOS INTENSIVOS DE PREPARACIÓN DE EXÁMENES OFICIALES

Azterketa ofizialak prestatzeko ikastaro trinkoak 2022-2023 ikasturte honetan, azterketa ofizialak prestatzeko ikastaro trinkoen eskaintza berritu dugu, bai B2/FIRST mailarako, bai C1/ADVANCED mailarako. Modalitate bi eskaini ditugu: bata, astelehenetik ostegunera, egunean ordu eta erdiko klasea emateko, eta bestea, ostiraletan baino ez, maiatzeko ostiral bakoitzean hiru ordu eta erdiko klasea emateko. Azkenik, azken aukera hori egin da eta talde bi sortu dira: B2 taldea 17 ikaslekoa; eta C1 taldea 9 ikaslekoa. Guztira 26 eta 21 eskola-ordu eman dituzte, hurrenez hurren.



## Beste hezkuntza-jarduera batzuk

Idiomas Vital Fundazioak ikasgelak, multimedia-gela, hizkuntza-laborategi digitala, liburuak mailegatzeko zerbitzua duen liburutegia eta ikasketa-gela ditu bere instalazioetan. Ohiko eskola gehienak 18:00etatik 21:00etara ematen dira, astelehenetik ostiralera, eta 17:30etik 20:30era izaten da laborategiko ordutegia.

Idiomas Vital Fundazioak, eskolak emateaz gain, hezkuntza-jarduera ugari egiten ditu. Horien artean, honako hauek nabarmendu daitezke:

Ikasleentzako aholkularitza zerbitzua, ikastaroei, azterketei, atzerriko egonaldiei, ikasle-trukeei eta lanei buruz, eta laguntza ematen zaie curriculumak eta aurkezpen-gutunak egiteko nahiz lan-elkarrizketak prestatzeko.

## Idiomas Vital Fundazioak Laudioko lehenengo ikasturtea bete du

Idiomas Vital Fundazioak Laudion duen egoitza berria abian jarri ondoren, ingeleseko talde birekin (bata haurren lehen mailakoa eta bestea helduen lehenengo mailakoa), frantseseko lehenengo mailako talde batekin eta alemaneko lehenengo mailako beste talde batekin, 2023-2024 ikasturterako asmoa da finkatzen joatea eta hurrengo ikasturteetan mailen eskaintza zabaltzea eta beste esparru batzuetara iristea, hala nola enpresara edo merkataritzara, eta gure sorrerako helburua betetzea, hau da, Aiarako bailarako eremu osora hizkuntzen arloko kalitatezko prestakuntza eskaintzea.





## Izena ematea webgunearen bidez

Webgunearen berritzea burutu denez, **2022-23 ikasturteko online matrikulazioa** eskaini ahal izan zaie, aurten ere, ikasle ohiei nahiz berriei, eta erraztasunak eman dira ikastaroko kuotei aurre egiteko; izan ere, **epe bitan ordaintzeko** aukera izan da (irailean eta urrian). Ikasturte honetan ere hobariak egin zaizkie ikastetxeko egungo ikasleek **'gonbidatuta'** iritsi diren ikasleei ( % 15 ikasle berriei eta zaharrei, biak matrikulatzen badira), eta % 15ekoa familia ugarietako kideei. Kuoten zenbatekoa 400 € eta 600 € izan zen 2022-2023 ikasturterako, 2 eta 3 orduko ikastaroetarako, hurrenez hurren.

Ikasle berrien kasuan, nahitaez aurrez aurrekoa izan behar izan duen maila-probak aurretiko hitzordua behar izan du.

Webgunea berritzeak prestakuntza eta eduki gehigarri berriak eskaintzeko aukera ematen digu, oraindik ere, **prestakuntza 'Moodle'** baten bidez. **Moodle** horren bidez, hainbat tresna elektronikori esker komunikatzen dira irakasleak eta ikasleak. Plataforma horrek prestakuntza-dokumentazio osagarria eskuratzea ahalbidetzen du, baita **ikaskuntza hobetzeko ariketa** praktiko ugari ere. Ariketak mota guztietakoak dira: testak, ikustekoak, ikus-entzunezkoak, eta abar.



UNIVERSITY OF  
CAMBRIDGE

## Cambridge azterketak Idiomas Vital Fundazioan

Kristau Eskola, Euskal Herrian duen azterketa-zentroaren bidez, Cambridgeko Unibertsitatearekin izandako elkarriketei esker, Idiomas Vital Fundazioak Cambridge azterketa ofizialak prestatzeko zentroa da ofizialki, eta 2023-2024 ikasturterako gure ikastetxean maiatzeko eta ekaineko deialdian azterketak egin ahal izateko akordio batera iritsi gara.





*Idiomas*

FUNDACIÓN *Vital* FUNDAZIOA